

BERTSOAK

BILINTX



1999. urtea (uztaila)
Lege-Gordailua: SS-765/99

ZALDI BATEN BICITZA

Orra sei berso cale
Garbitzalleari,
Ceña bere icenez
Dan José Mari:
Erreza lezazquique
Iru Ave Mari,
Indarra etortzeco
Zaldi zuriari,
Animali ori
Urriqui zait neri,
Falta du ugari
Egoteco guri,
Cartoyaquiñ eguiña
Dala diruri.

Goizero bear diyo,
Eraso lanari,
Ciquiñac bildu arte
Erri danari:
Berriz ere obeto
Bizi ez danari,
Nabarbenduco zaizca
Ezurrac ugari:
Ez naiz chanchaz ari
Eta Joshé Mari,
Zaldi gaisoari,
Nai aña janari
Eman zayozu, ea

Jartzen dan lodi.

Dago esqueletuen
Ichurac arturic;
¡Diña jan ezac dauca
Horrela galduric!
¿Nola ez da egongo
oso argalduric,
Iruquitzen badute
Ascotan baraurik?
Zaldi orri nic
Ez det esperoric
Ecer icusterik
Ezurrac besteric,
Ez du beintzat izango
Odol golperic.

Lana sobra du bañan
Janaria falta,
Urriquirria da
Decarren planta:
Gaisoac ez lezaque
Luzaro aguanta,
Flaquiarequin ecin
Muguitu du anca,
Pentsu guchi jan ta
Calean giraca,
Gaizqui bizi da ta
Indarric ez daca,
Ecin carriatu du
Carro bat caca.

Munduan ez liteque
Zaldirik arqitu,
Duenic orrec aña
Pena sufritu:
Biotzic gogorrena,
Lezaque cupitu,
Ez du zartzera charra
Gaisoac achitu,
Pausua naguitu,
Ecin da muguitu,
Zaldi orrec ditu
Zazpi espiritu,
Bestela bicirican
Ecin guelditu.

Guisagaisoaz danac
pena artzazute,
Baldin biotz biguñac
badituzute:
Asi zan egunetic
Eta orain arte,
Serbitzuba eguin du
Errian bastante,
Igande ta aste
Jayarequin naste
Maquiñabat urte
Pasa dizquituzute:
Orain erretirua
Mereci luque.

ZALDIAREN ERIOTZA.
Indarra cecan arte

Ciquiña carrayo,
Eraguiten cioten
maquiñabat zayo:
¡Bañan miñez jarri da!
¡Indarra juañ zayo!
¡Nequearen pagua
Balaz eman zayo!

OBIZDEA.
Azquenac emen daude
Zaldi argal baten,
Ceñac ez zuen iñoiz
Pentzu on bat jaten.
¡Guelditu zaizcan mami
Puzcac eramaten,
Beliac lan ascoric
Apenas daucaten.
R.I.P. Amen.

CONTZECIRENTZAT

Cantatutzera indar andico
Deseo batec narama,
Contzeci zuri nai dizut eman
Merecia dezun fama:
Gure Provintzi Guipuzcoacoan
Igualic gabeco dama,
Bedeincatua izan dedilla
Zu eguin zinduen ama.

Cerorrec uste ez zenuela
Egon nitzaizun beguira,
Lembicicoan oñetara ta
Urrena berriz guerrira:
Oñac dituzu quiqui politac
Gustagarriac chit dira,
Guerrian berriz eman litzazque
Cana bat cintac bi gira.

Andic urrena ipiñi nizun
Erreparua pechura,
Orduanchen bai eman nizula
Aingeru baten ichura:
Jaungoicoac deitu izan balit
Igo nedilla Cerura,
Zure ondotic ara joan bearrac
Emango zidan tristura.

Ondoren jarri nitzan demboran

Beguiratuaz lepora,
Biotzac salto eguiten zidan
Irten nayeana campora:
Irten ta zucen badaquit cierto
Joan zan zure colcora,
Nic jaquitera nai zenuela
Utzico nion gustora.

Atencioa beguietara
Paratu nizun seguidan,
Ez daquit cierto beguiac edo
Eguzqui berri bi ciran:
Ondo icusi ez nizquizun ta
Nola esango det cer diran,
Beguiratutzen nizun gucian
Vista quendutzen ceniran.

Ille beltz eder dizdizaria
Oparo dezu buruan,
Comparatzeco balio duen
Sedaric ez da munduan:
Trentzac eguiñic cenecan dana
Erreguiñ baten moduan,
Diamantezco coro eder bat
Falta zitzaizun orduan.

Oincho politac, guerra mea,
Gracia milla pechuan,
Lepo biribill dirudiena
Eguin berria tornuan:
Pare gabeco begui arguiac,
Ille ederra buruan,

Zu baño aingueru politagoric
Ez da izango Ceruan.

Beti arico naiz Jaunari escaca
Ondo izan zaitecela,
Ez zazula uste nere bician
Zutzaz aztuco naicela:
Escumuñac maiz bigal nazquizu
Orain artean becela,
Aimbeste eguin bear dirazu
Penaz ilco naiz bestela.

POZEZ TA BILDURRAC

Dama gazte polit bat
bada Donostiyan
berdiñic ez dubena
cerubaen azpiyan:
biyotza muguitzen zait
modu chit eztiyan
nere pentsamentura
datorren guztiyan.

Graciyazco aingueru
adoragarriya,
Jaunaren ondotican
egan etorriya:
cerubac eguintaco
milagro berriya
¡gloriyaz bete dezan
Donostico erriya!

¿Arpeguiya ceñec du
arrec becin fina?
eta ¿ceñec gorputza
aiñ ongui eguiña?
ibilleran ere da
gutzizco ariña,
eusquerac ez du itzic
famatzeko diña!

Naiz plazara juan bedi

naiz juan iturrira
¿norc ez du arreta jartzen
aren ibillira?
bat bañan gueyagore
guelditutzen dira
ezcutatzen dan arte
berari beguira.

Bere jatorrez duben
pachara fiñian
biria pasatzen du
pauso arñian:
lurric ez du zampatzen
choriyac añian
chutic joango litzaque
uraren gañian.

Orrembeste graciya
dituben meriyo
arentzaco gordia
cembat amoriyo
biyotzian dacatan
¿norc contatu diyo?
calian icusita
esan dit ¿ariyo?

Berriz icusitzeco
eguingo det modu,
juango diran baño len
oguei ta lau ordu:
¿ariyo? esaten badit
laister entzungo du:

¡nere arratseroco
ametsa, cer modu?

Ongui nai ta eciñ izan,
esango dit ambat;
nic erantzungo diyot:
nosqui besterembat
izango da sufritzen
dubena zuc aimbat...
¡cein da bada? esazu?
¡zu nai cinduzquen bat!!

Burlaz esaten dezu,
¿norc naico nau ni? ¿norc?
aberatsa ez danic
ez du maite iñorc:
baña nic ordubanchen
erantzungo diyot:
¡zoragariya, naizu
maita gaitec biyoc?

Bayetz esaten baldiñ
badit erdi farrez,
erotu eguingo naiz
pozaren indarrez:
ezetz entzuten badet
nere suerte charrez,
itz orrec utzico nau
betico negarrez!!

JURAMENTUBA

Begui urdiñac dituzu eta
arpegui zurigorriya,
nere biyotzac maite zaituben
aingeru zoragarriya;
Beguiya; Zumia beciñ biguña eta
mia da zure guerriya,
estutu bague artu liteque
bi eskubaquin neurriya.

Lengo batian, izár berriya,
ongui fortuna nerian,
maite ninduzun galdetu eta
bayetz eranzun ceniran;
pozaquin iya zoraturican
aditu eta seguiran,
beso escuya estutu nuben
zure guerriyaren giran.

Neri beguira guelditu ciñan
buruba triste etzanaz,
ni ere zuri beguira negon,
“¡maite nería!” esanáz;
luzaro ala egondu guiñan
suspiriyuac emanaz,
biyoc elcarren beguiyetatic
amoriyua eranaz.

Ondo penaquin ascaturican

zure guerritic besua,
ez zait aztuco nola ezan nizun:
“¡nere maitecho gozua!
zorionaren ecartzallia,
izar amoriosua,
zu adoratzen igaroco det
nere bicitza osua!”

“Maite nazula len esan dezu,
¡berriz esan zazu arren!,
ez naiz entzutez gogobeteco
milla bider esan arren:
non ta cerubac erabaquiya
beste moduz ez dacarren,
dembora guchi barrun gu biyoc
izango güera elcarren.”

Imagiña bat cillarrezcua
cordoi batequin lotuba,
beguiz aurrian jarri ceniran
colcotic ateratuba,
ceñetan cegon gurutzeturic
Jaunaren seme santuba:
“onen aurrian, —esan ceniran—
eguizu juramentuba.”

Faltziyarican ez cegüela
nere biyotz shamurrian,
proga emango nizun eguna
arquitzen zala urrian,
beguiratuba imagiñan ta
belaun escuya lurrian,

juramentuba esqueñi nizun
Jaungoicoaren aurrian.

Fintasunaquiñ cumplituco det
ez da cer egon salantzez:
demborarican igaro gabe
gogo charrezko balantzez:
eracusitzen baldin badizut
falsiyarican mudantzez,
nere biyotza bete dezala
damutazunac arantzez.

LORIAN

Beti nic damari,
¡lorian ugari!
endemas pishca bat
maite naubenari:
damac berriz neri
¡guezurra diruri!
osiñes pagatu
loresco zor-ori.

Oso nago mendian
Jaungoico ichubaren,
ama Venus-engandic
jayotaco-aren;
neroni ez naiz jabe
nere biotzaren,
gashua preso daucat
amoriyuaren.

Sartutzendan becela
balcoi batetican,
eguzquiya guelara
cristaletatican:
modu ortarashe beñ
igaro citzaidan,
biyotzera dama bat
begiyetatican.

Biyotz nerian preso

guelditu bire zan,
gueratzen dan becela
chingarra iyescan;
obligatuba dago
egotera bertan
nunta biyotz ta guzti
ateratzen ez dan.

Ditu ille urresco
albiñu luciac
alacoric apaintzen
ez du orraciac
francotan imbiriya
eman dit aiciac
aren trentza tartetic
jostatzen paciac.

Ondo comparatzia
da gauza eciña
arren beguiyetaco
urdintazun fiña
ez da irrutirare
aitatzeco diña,
itsasoco bagaren
colore urdiña.

Ez da cer aitaturic
ceru zabalare,
bolaras urdiñ urdiñ
jarritzen dalare;
aingueru neriaren
beguiyac ala-ere,

urdiñ purubagoco
cerubac dirare.

Izarra dirurite
aiñ ditu arguiyac,
ainguerubac cerutic
jehita jarriyac;
glorijan eguintaco
ispillu garbiyac
Jaungoicoa badala
gogoragarriyac.

Cupidoc eritzen-nau
flechaquin berriro
neregana jirutzen
dituben aldiro
biyotzera zartzen zait
eztiro-eztiro
amoriyotazun bat
gozua guztiro.

Aren espaiñ gorriyac
nere atzeguintzat
ondo mereci dute
famatzia fintzat
cerbaites apartetic
icusita beintzat
mundu guztiyac artzen
ditu crabelintzat.

Farric eguiten badu
cerutar virgiñac

erascusten dituben
ortza chiqui fiñac
churis elurrarequiñ
dirare berdiñac
perla iruri dute
cillarres eguiñac.

Gozuaren virtutez
aren asnaciac
loarasitzen ditu
nere oñaciac
usai oberic ezdu
banatzen aiciac
loriac maitatubas
baratzen paciacc.

Lepo biribilla ta
gorputza liraña
chiquiz ez det esaten
oñaren tamaña
ibiltzen aizetzuba
jantziyan apaiña
aren gracyac dira
eciñ esan aña.

APAIZAREN CANTAC

Egunaren icena
ez daquit nola zan
baño señalagarri
partidu bat bazan;
pelotan jocatze
Oyarzungo plazan,
nai det nere orduco
gertaera ezan
urrenguan beste bat
escarmenta dezan.

Partiduba jocatzez
bucatu zanian
ostatura jua nintzan
zucen zucenian,
mayera jana ecartzen
aci ciranian,
apaiz bat serbitzen zan
aurren aurrenian,
maquinabat zartu zan
arren barrenian.

Cintzur ona zubela
claro señalialic
eman cituen apaiz
barbantzu zalialic;
docenaca tragatzen
cituen alialic,

mascatu ere gabe
tripazai jaliac,
alaco aiza nola
anchua baliac.

Tragatutze cituen
igar da eciac,
etziran aren diña
cetocen clasiac;
ecarri orduco ceuzcan
tripara jaciac
cortesia gabeco
chapela luci ac,
arrec naicua jan ta
ni berriz gociac.

Nere dichu guciac
badute agia,
nosqui naiz Jaungoicoac
astutzat lagia;
gociac eguin nuben
ango viagia,
culpa duenarentzat
daucat coragia
apaiz batec jan zuben
nere potagia.

Gueroztic ostatuan
sartu orduraco,
galdia eguin bague
ez det nic lajaco;
egun artan apaizic

ote dan araco,
ez apaiz jaun guciyac
igual diralaco,
baicic batec bildurra
sartu ciralaco.

JA-JAY

Bein batian Loyolan
Erromeriya zan
Anchen icusi nuben
Nescacha bat plazan
Choriya bañan ere
Ariñago dantzan
Urashen bai polita
An politic bazan.

Esan niyon desio
Senti nuben guitan,
Arequin izqueta bat
Nai nubela izan:
Erantzun ciran ecic
Atzeguin arnezan
Adituco cirala
Cer nai niyon ezan.

Arguitu giñanian
Inor gabe giran
Coloriac gorritu
Arasi cizquiran
Contatuco dizutet
Guztiya seguiran
Cer esan niyon eta
Nola erantzun ciran.

Dama polita cera

Polita guztiz ¡ay!
Bañan alare saude
Oraindic escongay
¿Escon gaitecen biyoc?
¿Ezan zadazu bay?
—¿Ni zurequiñ ezcondu?
¿Ni zurequiñ? ¡Ja-Jay!

BETI ZUTZAZ PENSATZEN

Dama gazte bat esagutzen det
diruriyena izarra,
eguzquiyari copetetican
saltatutaco chingarra;
biyotz nerian ala piztu du
amoriyozco su-garra,
nola mendiyen piztu lezaquen
chimistac arbol igarra.

Beti goguan zauzcatan dama
izarra dirurizuna,
eguzquiyaren biarric gabe
argui eguiten dezuna;
berdin gabeco amoriyua
senti-arazten nazuna,
aditzera eciñ eman liteque
dizutan maitetasuna.

Nere beguiyac beren aurrian
icusten ez bazaituzte,
guisharashuac eta biyotza
egoten dira chit triste;
shinista zazu mundu guztiyan
ez dala iñor ni beste,
zu maitatzeco capaz danican
mereci dezun aimbeste.

Gau eder alai ayetako bat

guertatutzen dan orduban,
izarrac dizdiz eguiten dute
ceruco urdiñ puruban;
diferentziric batere gabe
zuc nere pentsamentuban,
dizdiz alashen eguiten dezu
nola izarrac ceruban.

¿Hía gozua izango aldan
enamoraturic dana,
ama on batec aur maitiari
ematen diyon laztana?
alare bada beste gauza bat
azcoz gozuego dana,
zureganaco amoriyua
nere biyotzac daucana.

¿Norc iruquico zaitu nic beciñ
ishtimaciyo aundiyan,
animatican maite bazaitut
erotutzeco zoriyan?
amoriyozco naitasunaquiñ
gorderic erdi-erdiyan,
biyotz nerian ala zaucazquit
nola niniya beguiyan.

Bost urte diran ez daquit baño
beñepeñ badirare lau,
faltatu gabe nere oroitzan
zaudela egun eta gau;
zu ichumenez maitatutzeco
cerubac siñalatu nau,

alic lenena premiya zazu
eguiyazco naitasun au.

CEMBAIT DAMAREN EZQUER CHARRA

Atzo, provechu gabe,
Eheco auzuan,
Egondu nitzan zure
Zay egun osuan;
Gaur suertez icusitzen
Zaitutan casuan,
Itz eguiñ biar dizut
Izqueta gozuan.

Ceiñ ta politac diran
Arrosa, jasmíña,
Azucena, liriyo
Eta claveliña:
Danac bat eguiñ tare
Ez dirade diña,
Iguatzeco nere
Maite atzeguiña.

Nay det jaquiñ dezazun
Oraiñ beriala,
Chit asco nay dizutan
Nescacha cerala:
Gaur su icusitziac
Poztutzen nau ala
Nun iruritzen zaitan
Jay aundi bat dala.

Au dà mundu guciyac

Ongui daquiyena,
Zu cerala dama bat
Graci utza dena:
Bat, oyetan badezu
Erotzen naubena,
Artan arquitzen dizut
Graciric gueyena.

Izan ere gorputza
Dezu aproposa,
Icusi utzarequiñ
Ematen du posa:
Beste iñor ez dala
Zu beciñ airosa,
Errí gusiyan dago
Banatuba vosa.

Pacharan ibiltzia
Dago gaur bolaran,
Pausage fiña oraiñ
Ser gatic moda dan:
Eta zu icustia
Modaco pacharan,
¡Ez daquizu neretzat,
Nolaco dicha dan!

Nic esan ta zuk jaquiñ
Biazu ecican,
Lau andre gay dacazquit
Artu nai ecican:
Ezconduco nitzaque
Gaur bertan casican,

Besterequiñ ez bañan
¿Zurequiñ, posican!!

Amoriyoric gabe
Pasatu eciñez,
Nic damac maite ditut
Aitortzen det ziñez:
Beguiyaquiñ guciyac
Milla bay mingañez,
¿Bañan biyotzarequiñ?
¿Zu besterican ez!!

Zu cera, bay zu cera,
Damacho maitia,
Nere desiuaren
Ceruco atia:
Biyotz onez nerequiñ
Bat-eguiñ zaitia,
Eta bizico cera
Contentuz betia.

Ortaraco aguro
Guenuque eguna,
nic nay detana balitz
Biyoc nay deguna:
Bañan zure asmua
Dá chit esaguna,
Ez dezu estimatzen
Nere naytazuna.

Dicha bat ez dit opa
Fortuna sequenac,

Negarrez daramazquit
Orduric gueyenac;
Eciñ aundiyagoco
Oñase ta penac,
Sufritutzen bici naiz
Zuregatic denak.

Miñ abetaz cupitzen
Ez baldiñ bacera,
Nere buruba nua
Betico galtzera:
Machora iyoco naiz
Andic botatzera,
Duben altubenetic
Gastelu atzera.

IZAZU NITZAZ CUIRA

Loriac udan intza becela
maite det dama gazte bat,
ari aimbeste nai diyotanic
ezda munduban beste bat,
iñoiz edo bein pasatzen badet
icusi gabe aste bat,
biyotz guztira banatutzen zait
alaco gauza triste bat.

Nescacha gazte paregabia,
Apirilleco arrosa.
Izarra beciñ dizdizariya
Choriya beciñ airosa:
Orainchen baño gusto gueyago
Nik eciñ nezaque goza,
Zori onian icusten zaitut,
¡Nire biyotzac au poza!

Ez aldirazu antzic ematen
Nic zaitudala nayago
¡Ay! mariñelac gau illunian
Izarra baño gueiago;
Nere onduan zauzcatelaco
Pozez zoraturic nago,
Zu icustiac álegratu nau
Triste negüen lenago.

Nic aimbat iñorc nai dizunican

Arren etzazula uste,
Nere beguiyac beren aurrian
 Betî desio zaituzte:
Eguzquirican icusi gabe
Choriya egotenda triste.
Ni ez nau ezerc alegratutzen
 Zu icustiac aimbeste.

Arpegui fiña gorputza berriz
 Ez dago cer esanican,
Izquetan ere graci ederra,
 Ezer ez dezu charrican;
Mundu guztiya miratutare
 Zu becelaco damican,
Aguiyan izan liteque baño
 Ez det sinesten danican.

Nere betico pentsamentuba,
 Nere consolagarriya,
Zu gabetanic ecin bici naiz
 Esaten dizut eguiya:
Zu baciñaque arbola, eta
 Ni baldin banitzchoriya,
Nic zu ziñaquen arbol artanchen
 Eguingo nuque cabiya.

Amoriyuac nere biyotza
 Zureganuntza darama
Erri guztiyan ceren daucazun
 Nescach bicañaren fama
Beste fortuníc mundu-onetan
 Ez det desiatzen dama

Aur batec berac izan gaitzala
Ni aita eta zu ama.

Falta dubenac logratutzeco
Itz eguitia chit on du
Eta nic ere sayatu biat
Ote guindezquen compondu
Gaur nagon becin atrebituba
Seculan ez naiz egondu
Argatic golpez galdetzen dizut
Nerequin naizun ezcondu.

Ezcondutziac izan beardu
Preciso gauza char embat,
Ala esaten ari zati beti
Nere consejatzalle bat:
Alashen ere arren esanac
Oso utziric alde bat,
Ongui pozican artuco nuque
Zu becelako andre bat.

Cerorrec ongui daquizu
Aspaldi ontan nagola,
Zuregatican penac sufritzen
Bañan ordia au nolá:
Alashen ere nigana ecin
Bigundu zaitut iñola.
Ni zuretzako arguizaya naiz
Zu neretzako marmola.

Nere biyotza urtzen dijua
Eta ez da misteriyo,

Penaren cargac estutu eta
Sumua quendutzen diyo:
Beguiyac dauzcat gau eta egun
Eguiñican bi erriyo,
Beti negarra dariyotela
Zu ceralaco meriyo.

Zu zeralaco meriyo baldiñ
Juaten banaiz lur azpira,
Güero dámuba eta malcuac
Alperric izango dira;
Beñ juan esquerero oyen birtutez
Berriz ez niteque jira
Ori guertatu baño lenago
¡Izazu nitzaz cupira!

BIYOTZ ERITUBA

Ascoc diyote “cantetan beti
Amore contu naicela,”
Nic esaten det, arriturican
Motivo gabe daudela;
¡Ser eguin biat baldin cerubac
Doaytu banau horrela,!
¿Ez dute icusten usaya mendac
Bere jatorrez dubela,?
Nere biyotzac amoriyua
Mendac usaya becela.

Triste bicinaiz eta
Illco banitz obe,
Badauzcat biyotzian
Sembait atzecabe;
Dama bat mitatzen det
Bañan... aren jabe,
Ceculan isateco
Ezperantza gabe.

Nere biyotz gashua
Penatuba dago,
Eciñ egon liteque
¡Ay! penatubago;
Pasatzen ditutala
Azpaldiyan nago,

Egunac triste eta
Gabac tristiago.

Amoroz erituba
Sembait dembora ontan,
Gauric ez det pasatzen
Soseguzco lotan;
Penaren cargarequiñ
Urtuta, ¡francotan,
Campora irteten zait
Biyotza malcotan!.

Aushen da miña laister
Ill biar naubena,
Cupitutzen ez bada
Senda lezaquena;
Aíñ arqitutzen zaizquit
Sartubac barrena,
Animan tristura ta
Biyotzian pena.

Biyotza eciñ jaso det,
¡Au carga barrenac,!
Iya gastatu zaizquit
Indarric gueyenac;
Ez luque shinistuco
Progratu ez dubenac,
Sembat pisatzen duben
Eguiyazco penac.

Anima tristuraquiñ
Aíñ dacat negarti,

Nun eguiñ aldezaquen
Arriya bi parti;
Adorantzac ematen
¡Belaunico beti,!
Biyotzian daucatan
Imagiña bati.

Ceiñ ote dán eciñic
Contura erori,
Cuticiya jayoco
Zayote ascori;
Nic ordian ez diyot
Esango inori,
Berac badaqui eta
Bastante det ori.

Nere maitatuba da
Gutziz dama fiña,
Biyotz onecuata ta
Ondo itzeguiña;
Bentaja guztियाquiñ
Cerubac eguiña,
Munduba pasatzeco
Lagun atzeguiña.

¿Certaco desiatu
Ditu gausa on oyec,
Nere biyotz coitadu
Guisharashua onec,?
Culparen castigutzat
Datozquit pena obec,
Mereci dítudala

Badaquit neronec.

Aingeru zoragarri
Mirabe lastana,
Pentzamentu nerian
Beti zauzcatana;
Biyotzaren erditic
Maite zaitutana,
Zu cera neretzaco
Nai cinduzquetana.

Nere amoriyua
Aññ fiña isanic,
Beti goguan zauscat
Aztu gabetanic;
Ez da mundu guztiyan
Iñor capaz danic
Dama, zu maitatzeco
Aimbeste nola nic.

Beguiyaren aurrian
Beti nay cinduzquet,
Icusten ez bazaitut
Nay baguia maiz det:
Gogoratu bagueco
Minuturic ez det,
Amoriyoz maitatzen
Ez daqui nic bestec.

Etzaitut icusitzen
Desio aimbeste,
Dicha ori logratzendet

Iñoiz edo beste;
Eta ez detanian
Logratzia uste
¡Ura triste ibiltzen naiz,!
¡Jesus, ura triste,!!

Eciñ bici zu gabe,
¡Au amoriyua,!
Logratzen ez bazaitut
¡Cer martiriyua,!
Ez badezu desio
Nere eriyua,
zuregan arkitzen da
Erremeriyua.

“Erregutzen dizut”
“¡O Jesusen ama,!”
“Nitaz cupi derilla”
“Maite detan dama;”
“Biurtzen badirazu”
“Biyotzera calma,”
“Cantaz banatuco det”
“Milagruen fama.”

DAMA TA GALAYA

Galayac.

Dezu gorputz egoquiya,
polita chit arpeguiya,
eta ederra beguiya:
zure beguiya,
aguitz arguiya,
da guztietan aurrena;
bestiac dira urrena,
ori da ta ederrena,
diruri eperrarena.

Ez det dama begui eder,
desiatzen beste eser,
bañan bay... esango det ser:
leguezco birez,
faltziyaquiñ ez,
zu neretzaco logratu;
nic orla naya obratu,
chancha dala ez pentsatu,
zutzaz naiz enamoratu.

Conformatutzen bacera,
laster ezconduco guera,
ez galdu orlaco era:
biyoc munduban,
bici moduban,

artutzen badegu parte;
asnasiac iraun arte,
jaquiñian guera zaitte,
nic izango zaitut maite.

Millaca ditut ardiyac,
laroguey ta lau ariyac,
mardulac eta guriyac:
cecen eta bey,
berréun ta oguey,
sey éun eta bost iriyac;
baitare soro aundiyac,
belar ugariz jantziyac,
mantendutzeco guciyac.

Nic ori guztiya daucat
ez balitz bezela deus bat,
badet eta beste gauz bat:
guilzaz aspiyan,
lecu ichiyan,
dacat montuan billbilla;
urrezco cembait curpilla,
urashen bay dala pilla,
ontzaco utsac lau milla.

Dauzcatanaren guiltzaz be,
zu eguiño zaitut jabe:
baceudeque duda gabe:
bara beguira,
izango dira,
orra eman noticiyac;
zure contura utsiyac,

dituzu ta mereciyac,
echecho guiltza guciyac.

Ser ongui bicico ceran,
nay dezuna jan ta eran,
guztiya zure auqueran:
 jazteco ere,
 zuc ez batere,
 gastubari beguiratu;
dendic onen-etan sartu
gayic ederrenac artu,
eta soñac encargatu.

Alaja zale bacera,
juango guera esatera,
alajategui batera:
 eracusteco,
 zuc icusteko,
 dacaten alajeriya;
naiz badare gariztiya,
 izango da erosiya,
gustatzen zaizun guciya.

Zu servitzeco nic ortan,
gauz oyec erriya ontan,
ez daude denda ñontan:
 ta eroatera,
 erri bestera
eguiño degu bay gira;
nay badezu Donostira,
 edo bestela Francira,
ango zuc naizun errira.

Esaten dizquitzutanac,
dira ta ciñez esanac,
cumplituco ditut danac:
fiyatu zaite
nic zaitut maite,
eta jaquiñ zazu ecic;
zu gatic ez dala casic,
eguiño ez nuquen gaucic,
gusto aundira ta pocic.

Zutzaz enamoratuba,
nago cacican artuba,
illaren erretratuba:
miñic charrena,
dacad barrena,
animaraño sartuba;
au legoque sendatuba,
gauza bat desiatuba,
nic baneca logratuba.

Sendaco litzaiquet miña,
bestela senda eciña,
zu neretzaco baciña:
azquen ortara,
ni nua bara,
gutziz intentziyo onez;
jeciñ liteque ta obez,
arren esazu favorez,
neretsat ceran edo ez!!

Damac.

Dirazu naitazun fiña,
gozua ta atzeguiña;
obiagoric eciña:
jaquiñ naizuna
da erantzuna,
esatiaquiñ onela;
alashen banintz becela,
cierto egon zaitecela,
zuria izango naicela.

Au nic diyot.

Ara gauzac nola diran,
egun artatic seguiran,
biyac alcarrenac ciran:
ordu ezquero,
au zan espero,
cumplitu ta berac naya;
ongui daudela da baya,
pasiaz bici alaya,
gure dama ta galaya.

Eguiya nic esateco,
ez cebilltzan ezcontzeco,
gueldi gueldi egoteco:
galayac obra,
seguru sobra,
aurreratuba darama;
eguiñ dirala da fama,

bat aita, bestia ama,
gure galaya ta dama.